

Ašiče, gdje si

Ašiče, gdje si?
Tražim Te drumovima dugim,
a Ti, Ti se ne tražiš!

Ašiče, gdje si?
Teku časi, jedan za drugim;
Kako bol svoj da ublažim?!

*Moje si cv'jeće,
a ja bulbul tvoj!
Vječno proljeće,
mirim tvoj šeboj-
čim sabah svane...*

Ašiče, gdje si?
Nek odu sve noći i dani
bez Tebe kad sam ja!

Ej, ašiče, mašuke,
kad s Tobom nađem se, stani,
ej, sne, sne bez vremena!

Ašiče, gdje si?
Voliš li moj dert, iza vela
krij se, krij se, Skrivena.

Ašiče, mašuke,
kad s Tobom nađem se, stani,
ej, sne, sne bez vremena!

Moje si cv'jeće...